

Sukar dikesan, mudah bolos

H.M 17/06/09 M/S11

*Amerika pinda undang-undang
banteras penyeludupan cara baru*

Sejak pihak berkuasa membongkar kapal selam buatan sendiri ini pada 1993, mereka merampas 46 daripadanya, termasuk 13 sejak awal tahun ini.

Dalam satu kejayaan yang disifatkan DEA sebagai

rampasan rekod dunia, lapan ditahan dalam seminggu, termasuk tujuh oleh Amerika dan sebuah oleh tentera Mexico di barat laut Colombia dan di laut terbuka.

Menurut tentera Colombia, lebih 400 tan metrik

kokain bernilai lebih RM35 bilion mungkin diangkut menggunakan kapal selam itu jika ia tidak dikesan dan ditahan.

Kapal selam yang dibuat daripada gentian kaca dan berharga antara RM1.75 juta hingga RM3 juta setiap satu, biasanya berlepas dari barat Colombia dan belayar menyusuri pantai Pasifik hingga ke Amerika Tengah, Mexico atau Amerika.

Sejak kebelakangan ini, ia menjadi semakin canggih.

"Kapal itu adalah jentera paling asas, tetapi mempunyai hidrodinamik yang baik. Rangka kapal itu dipertingkatkan supaya ia boleh belayar dengan lebih mudah," kata Wills.

Kira-kira lima orang boleh duduk bersesak-sesak di dalam kapal itu dengan pelayaran mengambil masa antara lapan hingga 10 hari bagi mengangkut dadah mereka.

Tetapi, tahun lalu, Amerika meluluskan undang-undang baru untuk memudahkannya mendakwa anak kapal walaupun tidak ada dadah ditemui pada mereka. "Pendakwaan pertama menggunakan undang-undang itu dilakukan bulan lalu," kata Bergman.

RAMPAS... anggota
polis Colombia menyusun
bungkusan dadah yang
dirampas bersama-sama
kapal selam buatan sendiri.

